

**LJEKARSKA/LJEČNIČKA KOMORA
KANTONA SARAJEVO**

PRAVILNIK O DODJELI POMOĆI ČLANOVIMA KOMORE

Sarajevo, decembar 2023. godine

Na osnovu člana 10. stav 1. tačka 1. i člana 29. stav 1. tačka 1. Statuta Ljekarske/Liječničke komore Kantona Sarajevo, Upravni odbor Ljekarske/Liječničke komore Kantona Sarajevo na sjednici održanoj dana 25.12.2023. godine donosi:

P R A V I L N I K

o dodjeli pomoći članovima Komore

Član 1.

Ovim Pravilnikom propisuju se kriteriji i uvjeti koje članovi Komore moraju ispunjavati da bi imali pravo na korištenje sredstva Komore, ovlaštenje za dodjelivanje pomoći, kao i druga pitanja koja se odnose na dodjelu pomoći.

Član 2.

Članom Komore smatra se svaki ljekar koji je upisan u registar ljekara Komore i ima važeće odobrenje za samostalan rad - licencu (u daljem tekstu: Član).

Član 3.

Sredstva za dodjelu pomoći osiguravaju se iz članarine i upisnine, u skladu sa usvojenim finansijskim planom za tekuću godinu.

Sredstva za dodjelu pomoći osiguravaju se u vidu jednokratne, novčane pomoći.

Član 4.

Sredstva iz člana 3. ovog Pravilnika namjenjena su isključivo u slučaju teške bolesti, ali se ne odnose na bolest koja je posljedica povrede na radu.

Sredstva iz člana 3. ovog Pravilnika namjenjena su za liječenje hroničnih oboljenja za koje je cjelovito liječenje obezbjeđeno u zemlji i akutnih oboljenja koja zahtijevaju liječenje van zemlje.

Iz stava 1. ovog Pravilnika pojam teških bolesti odnosi se na sljedeće bolesti, stanja i povrede:

1. Zarazne bolesti: HIV/AIDS
2. Endokrina i metaboličke bolesti : šećerna bolest sa komplikacijama (sljepilo, bubrežna insuficijencija, gangrena ekstremiteta), kao i druge bolesti koje ugrožavaju oboljelog ili dovode do ozbiljnog funkcionalnog oštećenja ili onesposobljenosti oboljelog.
3. Bolesti krvi: bolesti krvi, krvotvornog imunološkog sistema kada ugrožavaju život oboljelog i/ili zahtijevaju dugotrajno i skupo liječenje.
4. Neuromišićne bolesti: multipla skleroza i druga neuromišićna oboljenja koja ugrožavaju život pored intenzivnog liječenja do trajno funkcionalnog oštećenja i onesposobljenja.
5. Bolesti oka i vidnog živca: koje svojom prirodom ili svojim posljedicama dovode do gubitka vida na jednom ili oba oka i optički neuritis i drugi poremećaji optičkog nerva, optičkih puteva koji ireverzibilno ugrožavaju vid.

6. Bolesti kardiocirkulatornog sistema: plućna embolija, intraceveralno krvarenje, aortalna rascjepljenja i respiratorne bolesti koje ugrožavaju oboljelog ili dovode do ozbiljnog funkcionalnog oštećenja ili onesposobljenosti oboljelog.
7. Bolesti gastrointestinalnog i hepatobilijarnog trakta: teška akutna i kronična stanja gastrointestinalnog trakta koja ugrožavaju život i zahtijevaju dugotrajni tretman.
8. Kožne bolesti: bolesti koje u fazi pogoršanja ugrožavaju život ili vežu bolesnika za postelju, bitno otežavaju svakodnevno ili onemogućavaju svakodnevno funkcionisanje i onemogućavaju radne aktivnosti.
9. Sistemske bolesti: sistemski lupus erythematodes, sarkoidozda i druge bolesti poznate i nepoznate etiologije kada u svojoj akutnoj fazi i fazi pogoršanja ugrožavaju život oboljelog ili dovode do trajnog funkcionalnog oštećenja ili onesposobljenosti oboljelog.
10. Bolesti koštano – mišićnog sistema i vezivnog tkiva: seropozitivni reumatoidni artritis kada je bolesnik nesposoban za bilo kakve aktivnosti ili vezan za postelju i invalidska kolica i bolesti koje uzrokuju ozbiljne funkcionalne smetnje lokomotornog aparata, vežu bolesnika za postelju i trajno ga onemogućavaju u svakodnevnim i radnim aktivnostima.
11. Bolesti urogenitalnog trakta: kronična bubrežna insuficijencija koja zahtijeva trajnu dijalizu i druge bolesti koje dovode do oštećenja funkcije organa u stupnju da ugrožavaju život ili ga vežu za postelju.
12. Potreba za korištenjem specifičnih tretmana, procedura ili usluga: transplatacije organa, transplatacija koštane srži, stanja nakon operativnih zahvata na srcu, mozgu, plućima, trbušnoj šupljini, lokomotornom sistema koja zahtijeva duže bolničko liječenje, rehabilitaciju i intenzivni, medikamentozni tretman.
13. Povrede: teške tjelesne povrede koje ozbiljno oštećuju zdravlje uzrokom su ozbiljnih oštećenja organa, osjetila i organskih sistema.
14. Ginekološka oboljenja koja izazivaju trajni invaliditet i mutilitet sa eventualno konsekvativnom, iradiacionom i kemoterapijom.

Pored navedenih bolesti i povreda, za teške bolesti se također podrazumijevaju i druge bolesti i stanja, a koje/a trajno ugrožavaju život ili onemogućavaju svakodnevno funkcionisanje i onemogućavaju radne aktivnosti, te kao takve zahtijevaju dugotrajni tretman.

Član 5.

Maksimalni iznos sredstva iz stava 3. ovog Pravilnika iznosi tri prosječne plate u FBiH ili u Kantonu, ovisno od toga koji je koeficijent veći u trenutku podnošenja zahtjeva i isti se isplaćuje isključivo na račun Člana.

Član 6.

Pravo na dodjelu pomoći ima svaki Član koji na dan podnošenja molbe nema neizmirenih obaveza po osnovu članstava (članarine) u Komori.

Uz molbu za dodjelu pomoći Član je dužan dostaviti sljedeće:

- Medicinsku dokumentaciju sa dokazima
- Potvrdu o dužini bolovanja

Molba se podnosi Upravnom odboru Komore u roku od 6 mjeseci po utvrđenoj dijagnozi.

Nakon prijema molbe, Sekretar Komore je dužan da urednu molbu dostavi na razmatranje Upravnom odboru na sjednici Upravnog odbora.

U slučaju neuredne dokumentacije, Sekretar Komore je dužan da u roku od 8 dana od dana prijema molbe, pozove Člana da istu upotpuni, ostavljajući mu rok ne duži od 15 dana.

Član 7.

Ako se utvrdi da je u vrijeme liječenja, odnosno bolovanja član Komore obavljao liječničku djelatnost, dužan je vratiti isplaćeni novčani iznos.

Član 8.

Protiv odluke Upravnog odbora na visinu dodjeljenih sredstva ili protiv odluke Upravnog odbora kojoj je odbijena ili odbačena molba za dodjelu pomoći, Član može izjaviti prigovor Upravnom odboru u roku od 8 dana od dana prijema pobijane odluke.

Član 9.

Upravni odbor Komore je dužan u roku od 15 dana odlučiti o prigovoru Člana Komore protiv odluke iz člana 8. ovog Pravilnika.

Član 10.

Objašnjenja, tumačenje i uputstvo za premjenu ovog Pravilnika daje Upravni odbor Komore.

Član 11.

Administrativnu, stručno-tehničku pomoć, knjigovodstveno – računovodstvene i druge poslove obavljat će osoblje Komore.

Član 12.

Ovaj Pravilnik stupa na pravnu snagu danom donošenja.

Danom donošenja ovog Pravilnika prestaje da važi Pravilnik o dodjeli pomoći članovima Komore i njihovim prodicama od 09.07.2019. godine, Pravilnik o dopuni Pravilnika od 08.06.2020. godine, kao i Pravilnik o dopuni Pravilnika od 29.03.2022. godine.

Broj: 22/2024

U Sarajevu 25.12.2023. godine.

Predsjednica Upravnog odbora Komore

prim.mr.sci.med.dr Sanela Vesnić



Sanela Vesnić